

Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De Fontibus Doctrinæ moralis. II. De præcipuis
ejusdem Fundamentis. III. De Peccatis. IV. De Legibus. V. De summario
dilectionis Præcepto. VI. De primo decalogi Præcepto. VII. De secundi
decalogi Præcepto

Godeau, Antoine

Augustae Vindelicorum, 1774

Caput I. Beneficii notio & divisio.

[urn:nbn:de:hbz:466:1-53562](#)

tus deinceps suspensus a suo ministerio manet, hancque contra suspensionem ministrans irregularitatem incurrit, dignitates omnes depedit, nee alias, donec a Papa habilitetur, acquirere novas potest, juxta Bullam eamdem.

Pœnæ simoniaeorum circa ordinis ingressum notari istæ debent. 1. Pro admissione, aut sacra professione quidquam dantes, vel accipientes excommunicationi subjacent, si sint personæ singulares; si vero integrum capitulum sic suscipiat, vel aliis consentiat, suspensionem ab officio incurrit (Extravag. Sanc. de Sim.). 2. Simoniæ professus ad arctius detrudi monachorum debet ut ibidem execrabilem excessum sine intermissione deploret (cap. *De Regularibus De Simonia.*).



SECTIO VII.

DE
BENEFICIIS ET PENSIONIBUS

CAPUT I.

Beneficii notio, & divisio.

Beneficium ecclesiasticum est jus perperum percipiendi fructus ex bonis ecclesiasticis provenientes, Ecclesiæ auctoritate constitutum, & alicui propter officium spirituale concessum,

I. Jus

1. *Jus perpetuum Beneficium dicitur, & per hoc a pensionibus, a Dignitatibus, & Vicariis temporariis distinguitur.* 2. *Ecclesiæ auctoritate constitui debet, cujus defectu capellaniæ, quas nobiles in suis castris, divites in suis dominibus perperuo duraturas propria auctoritate fundant, Beneficii ecclesiastici naturam numquam induunt.* 3. *Propter officium spirituale Clericis jus istud est concessum, prout jam supra, de horis canonice agentes, monuimus. Non autem sola Breviarii recitatio, sed alia adhuc servitia, quæ Deo & Ecclesiæ impendere Beneficiatus debet, officii nomine comprehenduntur.* Unde simplices adeo Beneficiatos, qui præter pensum canonicum, aut Missam nihil servitii ecclesiæ cathedrali, aut matrici præstant, Episcopus tolerare non deberet, sed eis quædam munia, quibus divinus cultus, & Ecclesiæ bonum promovetur, committere. Quod in politicis feudum, hoc in ecclesiasticis Beneficium est. Principes Nobilibus feuda concedunt, ut hinc are & armis auxilium regno ferant. Ecclesia Beneficia Clericis consignat, ut spiritualibus officiis Dei gloriæ augendæ studeant, dataque opera sacra jura tueantur. Notent hoc Clerici, qui turpi in otio ecclesiasticas fruges consumunt, qui pro ecclesiis, & spirituali fidelium bono nedium nihil agunt; sed & temerariis litibus, & contractibus fundos minnunt, proventus dilapidant &c. Certe sicut ingrativi vasalli feudo, ita & imbelles hi Clerici Beneficio omnino indigni sunt.

Varias

Varias Beneficiorum divisiones Doctores præcipue Canonistæ afferunt. Communiores sunt 1. in *simplex* quod curam animarum a speciale dignitatem adnexam non habet, ut capellania simplex, Canonicatus; & Curatum, cui cura animarum est adjuncta, uii Episcopatus, Parochia, Abbatia, Prælatura &c. 2. in *sæculare*, & *regulare* primum clericis sacerdibus; alterum nonnisi regularibus est confertum, 3. juxta Jus novum in *titulare*, & *commendale*. Illud cum plenitudine juris perpetuo Clerico traditur: hoc per modum solius administrationis alicui concreditur. Commendata autem ejusmodi Beneficia dicuntur, quia haec alias regularia, Clericis sacerdibus veluti administratoribus summus Pontifex commendat & confert, quin eorum naturam immutet. Quod diversus acquirendi modus attendatur, 4. Beneficium aliud dici potest *collativum* quod Episcopus libro ac proprio motu confert, aliud *patronatum*, quod ab eodem confertur illi, quem Patronus nominavit ac præsentavit; aliud *electivum*, quod via electionis, & supervenientis confirmationis obtinetur.

C A P U T II.

Regulae a Beneficiorum collatoribus observandas.

Sex præcipue modis ecclesiastica Beneficia obtinentur, 1. Libera collatione: 2. Patroni præsentatione, & Prælati institutione: 3. Electione & confirmatione: 4. Postulatione & admissio-